

## Izveštaj o radu Uprave policije MUP-a Kantona Sarajevo za mjesec juli 2021. godine

### KRIMINALITET

#### STATISTIČKI POKAZATELJI

U mjesecu julu 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 320 događaja sa obilježjem krivičnog djela (što je za 70 ili 17,9% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 159 ili 49,7% je evidentirano po poznatom izvršiocu, a 161 ili 50,3% po nepoznatom izvršiocu.

Od ukupno 161-nog događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 28 ili 17,4% (što je za 22% manje u odnosu na uporedni mjesec) od čega je pet događaja evidentirano u mjesecu julu ove godine, a 23 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 271-nu obavijest (54 manje) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU JULU 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>JULI 2021. GODINE</b>	<b>320</b>	<b>159</b>	<b>161</b>	<b>28</b>	<b>23</b>	<b>183</b>	<b>0</b>	<b>109</b>	<b>86</b>
JULI 2020. GODINE	390	141	249	98	51	200	3	128	80
<i>uporedba</i>	-70	18	-88	-70	-28	-17	-3	-19	6
	-17,9%	12,8%	-35,3%	-71,4%	-54,9%	-8,5%	---	-14,8%	7,5%

U toku mjeseca jula ove godine prijavljena su 183 lica (17 manje), od kojih je 109 povratnika (19 manje) ili 59,6% od ukupnog broja prijavljenih lica, 86 lica je lišeno slobode (šest više), dok nije bilo evidentiranih maloljetnih izvršilaca.

Za događaje sa obilježjem krivičnog djela, koji su evidentirani u mjesecu julu 2021. godine, prema izjavama oštećenih lica, nastupila je materijalna šteta u ukupnom iznosu od 609.051,00 KM, 28.500 € i 2.100 \$.

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU JULU 2021/20. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a I BiH**

KZ FBiH-a i KZ BiH-a	JULI 2021. GODINE	JULI 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	<b>25</b>	10	15	150%	23	2	1	50%
Protiv slobode i prava čovjeka i građanina	<b>15</b>	22	-7	-31,8%	15	0	0	---
Protiv spolne slobode i morala	<b>2</b>	1	1	100%	2	0	0	---
Protiv braka, porodice i mladeži	<b>30</b>	23	7	30,4%	30	0	0	----
Protiv zdravlja ljudi	<b>32</b>	32	0	isto	32	0	0	----
Protiv imovine	<b>182</b>	268	-86	-32,1%	33	149	27	18,1%
Protiv opće sigurnosti ljudi i imovine	<b>11</b>	9	2	22,2%	1	10	0	0%
Protiv sigurnosti javnog prometa	<b>6</b>	2	4	200%	6	0	0	---
Protiv pravosuđa	<b>1</b>	3	-2	-66,7%	1	0	0	---
Protiv javnog reda i pravnog prometa	<b>6</b>	14	-8	-57,1%	6	0	0	---
Protiv podmićivanja i krivična djela protiv službene i druge odgovorne funkcije	<b>6</b>	4	2	50%	6	0	0	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	<b>4</b>	2	2	100%	4	0	0	---
UKUPNO	<b>320</b>	390	-70	-17,9%	159	161	28	17,4%

U mjesecu julu 2021. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 70 ili 17,9%. Najznačajnije smanjenje je zabilježeno u oblasti protiv imovine (za 86 događaja), dok su povećanja evidentirana u oblastima: protiv života i tijela (za 15 događaja), braka, porodice i mladeži (za sedam), sigurnosti javnog prometa (za četiri), itd.

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

Tokom jula 2021. godine evidentirano je 25 događaja sa obilježjem krivičnog djela iz oblasti protiv života i tijela (15 više u odnosu na mjesec juli 2020. godine) i to 23 po poznatom i dva po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) – jedan događaj,
- teška tjelesna ozljeda (član 172. KZ FBiH) – osam i
- lahka tjelesna ozljeda (član 173. KZ FBiH) – 16 događaja.

Nadležnom tužilaštvu podneseni su službeni izvještaji protiv 26 lica, od koji je deset povratnika (ili 38,5%), a dva su lišena slobode.

**PROTIV SLOBODE I PRAVA ČOVJEKA I GRAĐANINA**

Iz ove oblasti evidentirano je 15 događaja sa obilježjem krivičnog djela (sedam manje) i to ugrožavanje sigurnosti za čije je izvršenje su prijavljena 15 lica, od kojih je osam povratnika (ili 53,3%), a tri su lišena slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu julu evidentirano je 30 događaja sa obilježjem krivičnog djela (sedam više) i to nasilje u porodici – 28, oduzimanje djeteta ili maloljetnika, zapuštanje ili zlostavljanje djeteta ili maloljetnika – po jedan događaj za čije izvršenje je prijavljeno 31-no lice, od kojih je 19 povratnika (ili 61,3%), a 18 lica je lišeno slobode.

PROTIV ZDRAVLJA LJUDI

Evidentirana su 32 događaja sa obilježjem krivičnog djela iz oblasti protiv zdravlja ljudi (isto kao u uporednom mjesecu) i to:

- neovlašćena proizvodnja i stavljanje u promet opojnih droga (čl. 238. KZ FBiH) – osam i
- posjedovanje i omogućavanje uživanja opojnih droga (čl. 239. KZ FBiH) – 24 događaja.

Nadležnom tužilaštvu podneseni su službeni izvještaji protiv 32 lica, među kojima su 22 povratnika (ili 68,7%) i 19 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv osam lica zbog postojanja osnova sumnje da su u proteklom periodu u više navrata kupovali opojnu drogu "Marihuana" i "Amfetamin" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 24 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Amfetamin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JULU 2021/20. GODINE

VRSTA OPOJNE DROGE	juli 2021. GODINE	juli 2020. GODINE
Marihuana (paketići)	54	6
Marihuana (u gramima)	2.129,069	197,796
Heroin (paketići)	1	4
Heroin (u gramima)	1	1
Amfetamin (paketići)	---	1
Amfetamin (u gramima)	1.074,441	323,814
Extazy (tablete kom.)	---	4
Extazy (u gramima)	2,61	
Hašiš (u gramima)	---	2
Speed (paketići)	4	2
Kokain (u gramima)	11	---
pribor sa ostacima droge (komada)	5	9

PROTIV IMOVINE

U ovom mjesecu, evidentirana su 182 događaja sa obilježjem krivičnog djela protiv imovine (33 po poznatom i 149 po nepoznatom izvršiocu) što je za 86 ili 32,1% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 92 (39 manje),
- krađa (član 286. KZ FBiH) – 53 (35 manje),
- razbojništvo (član 289. KZ FBiH) – 17 (četiri manje),
- oštećenje tuđe stvari (član 293. KZ FBiH) – sedam (tri manje),
- prijevarama (član 294. KZ FBiH) – četiri (jedan više), itd.

Nadležnom tužilaštvu podneseni su službeni izvještaji protiv 53 lica, od kojih su 34 povratnika (ili 64,1%), a 25 je lišeno slobode. Od ukupno 149 događaja evidentiranih po nepoznatom izvršiocu iz oblasti protiv imovine naknadno su rasvijetljena 33 ili 18,1% što je za 20,9% manje u odnosu na juli 2020. godine.

Tokom mjeseca jula ove godine, prema objektima izvršenja teških krađa, 34 su izvršene u stambenim objektima (17 manje), 25 u motornim vozilima (otuđenja motornih vozila i “provale” u ista) (14 više), 18 u poslovnim prostorijama (30 manje), itd.

Takođe, evidentirano je devet otuđenja putničkih motornih vozila, od čega su dva pronađena i vraćena vlasnicima. (Uprava policije MUP-a HNK-a pronašla je i vratila – jedno i vlasnik jedno vozilo).

Broj otuđenih motornih vozila u odnosu na uporedni mjesec povećan je za pet vozila ili 125%.

Evidentirana su 53 događaja sa obilježjem krivičnog djela krađe (35 manje) i to: u poslovnim prostorima – 21 puta, na ulici - 17, u stambenim objektima - 11, u vozilima i na stajalištima GRAS-a - dva, itd. odakle su otuđivani mobiteli, novčanici, prehrambeni proizvodi, bicikli, motocikli, itd.

Evidentirano je deset događaja sa obilježjem krivičnog djela teških krađa na naročito opasan ili naročito drzak način (jedan više), u kojima su izvršiocu, upotrebom fizičke snage (otimanjem i trganjem) otimali mobitele, novac, nakit i tašne, a evidentirani su: na ulici - sedam i u prodavnici – tri puta. Nadležnom tužilaštvu podneseni su službeni izvještaji protiv pet lica, koja su lišena slobode.

U mjesecu julu ove godine evidentirano je 17 događaja sa obilježjem krivičnog djela razbojništva.

Nadležnom tužilaštvu podneseni su službeni izvještaji protiv devet lica, od kojih je osam povratnika (ili 88,9%), a pet je lišeno slobode. U ovom mjesecu od ukupno 12 događaja razbojništava evidentiranih po nepoznatom izvršiocu, naknadno su rasvijetljena tri ili 25%.

Razbojništva su izvršena prijetnjom upotrebe vatrenog oružja - četiri puta, upotrebom fizičke snage - osam i prijetnjom upotrebe noža ili drugog oštrog predmeta - pet puta, a počinjena su na ulici – osam puta, u prodavnicama - šest, u sportskoj kladionici, ugostiteljskom objektu i u stambenom objektu – po jedno. Otuđivan je novac i mobiteli.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 11 događaja (dva više) i to: izazivanje opće opasnosti - devet, teška krivična djela protiv opće sigurnosti ljudi i imovine i izazivanje opće opasnosti u pokušaju - po jedan događaj, a nadležnom tužilaštvu podneseni su službeni izvještaji protiv dva lica koja su lišena slobode.

Događaji sa obilježjem krivičnog djela izazivanje opće opasnosti (devet događaja) evidentirani su na otvorenom prostoru – sedam puta i u stambenim objektima – dva, pri čemu je u jednom slučaju pucano iz vatrenog oružja, sedam puta je otvorenim plamenom izazvan požar i u jednom slučaju aktivirana je nepoznata eksplozivna naprava. Posljedice su nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirano je šest događaja sa obilježjem krivičnog djela (osam manje) i to: nasilničko ponašanje - tri, napad na službenu osobu u vršenju poslova sigurnosti – dva i nedozvoljeno držanje oružja ili eksplozivnih materija - jedan događaj.

Nadležnom tužilaštvu podneseni su službeni izvještaji protiv sedam lica od kojih su četiri povratnika (ili 57,1%), a pet lica je lišeno slobode.

## **DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA**

U toku mjeseca jula 2021. godine nisu evidentirani događaji sa obilježjem krivičnog djela u kojima su učestvovala maloljetna lica, dok je u istom mjesecu 2020. godine evidentirano pet događaja za koja su prijavljena tri maloljetna lica.

## **OSTALA PROTIVPRAVNA I ASOCIJALNA PONAŠANJA**

### **AKTIVIRANJE MINSKO-EKSPLOZIVNIH SREDSTAVA**

U toku mjeseca jula 2021. godine evidentirano je jedno aktiviranje nepoznate eksplozivne naprave (u julu 2020. godine nije bilo), ispred ugostiteljskog objekta sa materijalnom štetom.

U proteklom mjesecu nije bilo evidentiranih anonimnih dojava o postavljenoj eksplozivnoj napravi (tri u istom mjesecu 2020. godine).

### **POŽARI**

Tokom mjeseca jula 2021. godine, na području Kantona Sarajevo registrovano je 29 požara (16 više u odnosu na isti mjesec prethodne godine), u kojima je jedno lice poginulo.

Prema statističkim pokazateljima, 19 požara je izazvano namjerno, jedan zbog tehničkih nedostataka, dok uzroci devet požara spadaju u kategoriju ostalih.

Požari su registrovani u:

- Saobraćajnim sredstvima - 12 puta,
- Stambenim objektima - devet,
- Poslovnim prostorima - dva,
- Ostalim objektima - šest puta.

Zbog izazivanja požara nadležnom tužilaštvu podneseno je osam službenih izvještaja: sedam iz člana 323. KZ FBiH (izazivanje opće opasnosti) i jedan iz člana 301. KZ FBiH (paljevina).

### **SAMOUBISTVA**

U mjesecu julu 2021. godine na području Kantona Sarajevo registrovana su tri samoubistava (tri manje u odnosu na juli prošle godine) koja su izvršena: skakanjem sa visine - dva puta i trovanjem - jednom.

Izvršioci su: dvije osobe ženskog i jedna osoba muškog spola.

Objekt osobe ženskog spola su starosne dobi preko 60 godina, dok je muškarac starosti između 30 i 40 godina.

### **OSTALE AKTIVNOSTI**

U sklopu aktivnosti na oduzimanju nelegalno posjedovanog oružja i drugih predmeta oduzete su tri puške, devet pištolja, osam ručnih bombi, jedan nož i 143 komada municije raznog kalibra.

Tokom mjeseca jula ove godine fizičkim licima izdato je 137 odobrenja za nabavku vatrenog oružja i 134 oružna lista.

## JAVNI RED I MIR

U toku mjeseca jula 2021. godine u oblasti protiv javnog reda i mira evidentirano je 485 prekršaja (106 ili 28% više u odnosu na isti mjesec 2020. godine), a za izvršenje istih prijavljeno je 515 lica (119 ili 30% više).

Prilikom narušavanja javnog reda i mira u mjesecu julu 2021. godine, nije bilo teže povrijeđenih lica (isto kao u julu 2020. godine), dok je 15 lica lakše povrijeđeno (devet više).

Zbog učinjenih prekršaja u oblasti protiv javnog reda i mira izdata su 372 naloga i podneseno je 113 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 426 prekršaja (ili 87,8%), a na prekršaje koji su utvrđeni Odlukom općinskih vijeća o javnom redu i miru 59 ili 12,2%.

Od ukupnog broja prijavljenih lica, 121 je povratnik (lica koja su i ranije činila prekršaje), a prema starosnoj strukturi učinilaca prekršaja, najbrojniji su u dobi preko 36 godina (257), između 26 i 35 godina (167), između 19 i 25 godina (88) i do 18 godina – tri učinioca.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC JULI 2021/2020.GODINA

STRUKTURA PREKRŠAJA	JULI 2021.	JULI 2020.	+ - %
UKUPNO prekršajnih naloga i zahtjeva za ppp	485	379	+106 ili 28%
UKUPNO lica	515	396	+119 ili 30%
Prekršaji prema Zakonu o prekršajima protiv JRiM:	426	350	+76 ili 21,7%
<i>-Tuča</i>	39	43	-4 ili 9,3%
<i>-Naročito drsko ponašanje</i>	60	74	-14 ili 18,9%
<i>-Odbijanje naređenja i omalovažavanje pol. služb.</i>	35	19	+16 ili 84,2%
<i>-Prosjačenje</i>	190	133	+57 ili 42,8%
<i>-Svađa, vika, nepristojno ponašanje</i>	23	7	+16 ili 228,6%
<i>-Ostali prekršaji</i>	79	74	+5 ili 6,7%
Ukupno naloga/ zahtjeva prema Odluci o.v. o JRM	59	29	+30 ili 103,4%

Tokom mjeseca jula 2021. godine, u odnosu na julu 2020. godine, prema strukturi prekršaja povećan je broj sljedećih prekršaja:

- prosjačenje za 57 ili 42,8%,
- prekršaji koji su regulisani Odlukom općinskih vijeća za 30 ili 103,4%,
- svađa, vika, nepristojno ponašanje za 16 ili 228,6%,
- odbijanje naređenja i omalovažavanje policijskih službenika za 16 ili 84,2%,
- ostali prekršaji iz Zakona o JRiM za pet ili 6,7%;

dok je smanjen broj sljedećih prekršaja:

- naročito drsko ponašanje za 14 ili 18,9% i
- tuče za četiri ili 9,3%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (458 ili 94,4% od ukupnog broja), a znatno manje u ugostiteljskim objektima (12 ili 2,5%), a na ostalim mjestima 15 prekršaja (ili 3,1%).

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC JULI 2021/2020. GODINE

MJESTO IZVRŠENJA	JULI 2021.	JULI 2020.	+ - %
<i>Ulica i drugi otvoreni prostor</i>	458	357	+101 ili 28,3%
<i>Ugostiteljski objekti</i>	12	2	+10 ili 500%
<i>Sportski stadioni i dvorane</i>	---	---	---
<i>Škole (školska dvorišta)</i>	---	1	-1
<i>Trgovinske i zanatske radnje</i>	---	---	---
<i>Ostala mjesta</i>	15	19	-4 ili 21%
<b>UKUPNO</b>	<b>485</b>	<b>379</b>	<b>+106 ili 28%</b>

U odnosu na isti mjesec 2020. godine, povećan je broj prekršaja evidentiranih na ulici i drugim otvorenim prostorima, u ugostiteljskim objektima, dok je broj prekršaja u školama (školskim dvorištima) i na ostalim mjestima smanjen.

Na području Kantona Sarajevo u mjesecu julu 2021. godine održano je 218 javnih skupova (143 ili 190,7% više u odnosu na mjesec juli 2020. godine). Policijski službenici Uprave policije proveli su planske aktivnosti za bezbjedno održavanje javnih skupova, a u 46 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu julu 2021. godine u odnosu na isti mjesec prethodne godine smanjen je ukupan broj saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima i broj povrijeđenih lica.

Registrovane su 622 saobraćajne nezgode (38 ili 5,7% manje u odnosu na juli prethodne godine), od čega je 555 sa materijalnom štetom (42 ili 7% manje) i 67 sa nastradalim licima (četiri ili 6,3% više).

Tokom mjeseca jula 2021. godine u saobraćajnim nezgodama na području Kantona Sarajevo 96 lica je povrijeđeno (18 ili 23,1% više), od čega 14 teže (sedam ili 100% više) i 82 lakše (11 ili 15,5% više).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC JULI 2021./20. GODINE

	juli 2021.	juli 2020.	+ , - %
<b>UKUPNO SAOBRAĆAJNIH NEZGODA</b>	<b>622</b>	<b>660</b>	- 38 ili 5,7 %
Saobraćajne nezgode sa nastradalim licima	67	63	+ 4 ili 6,3 %
Saobraćajne nezgode sa materijalnom štetom	555	597	- 42 ili 7 %
<b>POGINULO LICA</b>	<b>0</b>	<b>3</b>	- 3
- vozači	0	2	- 2
- putnici	0	1	- 1
- pješaci	0	0	-----
<b>POVRIJEĐENO LICA</b>	<b>96</b>	<b>78</b>	+ 18 ili 23,1%
- vozači	48	52	- 4 ili 7,7 %
- putnici	36	21	+ 15 ili 71,4 %
- pješaci	12	5	+ 7 ili 140 %

U naselju je registrovano 555 saobraćajnih nezgoda (59 sa povrijeđenim licima i 496 sa materijalnom štetom), van naselja 67 nezgoda (osam sa povrijeđenim licima i 59 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU JULU 2021. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	0	9	50	496	<b>555</b>	0	14	69
van naselja	0	0	8	59	<b>67</b>	0	0	13
<b>UKUPNO</b>	<b>0</b>	<b>9</b>	<b>58</b>	<b>555</b>	<b>622</b>	<b>0</b>	<b>14</b>	<b>82</b>

Prema kategoriji puta, najveći broj saobraćajnih nezgoda registrovan je:

- na ulicama u naselju - 388 nezgoda u kojima je 41. lice povrijeđeno (pet teže i 36 lakše),
- na magistralnim putevima - 94 nezgode u kojima su 32 lica povrijeđena (sedam teže i 25 lakše),
- na lokalnim putevima - 43 (pet lica lakšepovrijeđeno),
- na regionalnim putevima - 40 (šest lica povrijeđeno, jedno teže i pet lakše),
- na putevima koji se ubrajaju u kategoriju ostalih - 57 (12 lica povrijeđeno, jedno teže i 11 lakše).

#### POSLJEDICE SAOBRAĆAJNIH NEZGODA

Tokom mjeseca jula 2021. godine, u saobraćajnim nezgodama na području Kantona Sarajevo 96 lica je povrijeđeno (18 ili 23,1% više). Poginulih lica nije bilo (u istom mjesecu prošle godine tri lica su poginula).

#### STEPEN POVREDA UČESNIKA U SAOBRAĆAJNIM NEZGODAMA

Od ukupno 96 povrijeđenih lica u saobraćajnim nezgodama 48 je vozača (pet teže i 43 lakše), 36 putnika (šest teže i 30 lakše) i 12 pješaka (tri teže i devet lakše).

Starosna struktura nastradalih lica u saobraćajnim nezgodama je slijedeća:

- ispod 6 godina - jedno lice,
- od 6 do 14 godina - pet,
- od 15 do 20 godina - 13,
- od 21 do 24 godine - 11,
- od 25 do 30 godina - 14,
- od 31 do 40 godina - 17,
- od 41 do 50 godina - 17,
- od 51 do 65 godina - 13,
- 66 i više godina - tri,
- nepoznata starosna dob - dva lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - četiri lica,
- od 23 do 30 godina - 11,
- od 30 do 40 godina - 12,
- od 40 do 50 godina - 11,
- od 50 do 60 godina - devet,



- 60 i više godina - jedno lice.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 547 (75 lica povrijeđeno, 14 teže i 61. lakše),
- neprilagođena brzina - 72 (21. lice lakše povrijeđeno),
- uticaj alkohola - tri (bez nastradalih lica)

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca jula 2021. godine, policijski službenici Uprave policije MUP-a Kantona Sarajevo kontrolisali su:

- 15.642 vozila i vozača (1.780 manje),
- 3.730 lica u vozilima (1.056 manje),
- pregledali 414 vozila (164 više) i 294 lica u vozilima (144 više).

Zbog tehničke neispravnosti iz saobraćaja je isključeno 40 vozila (26 više), 310 vozača je zatečeno da upravljaju vozilom pod dejstvom alkohola (120 više), 339 bez korištenja sigurnosnog pojasa (81 manje), 165 bez položenog vozačkog ispita (97 manje), 55 pod izrečenom zaštitnom mjerom (pet manje), 360 vozača je zatečeno da koriste mobilni telefon tokom vožnje (11 više) i 291. vozilo je otkriveno da učestvuje u saobraćaju bez važeće registracije (213 manje).

Zbog kršenja propisa iz oblasti sigurnosti saobraćaja uručeno je 15.690 prekršajnih naloga vozačima (333 ili 2,1 % manje u odnosu na juli prošle godine) i podnesena 72 zahtjeva za pokretanje prekršajnog postupka (279 ili 79,5 % manje).

#### MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca jula 2021. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručena su 7.754 prekršajna naloga (1.270 više), upozoreno je 238 vozača (31 manje), a specijalnim vozilom "pauk" premješteno je 88 vozila (34 manje).

Takođe, pješacima koji su kršili propise uručen je 131 prekršajni nalog (15 manje), a upozoreno je 18 pješaka (14 manje).

#### ZAKONITOST U RADU

Tokom mjeseca jula 2021. godine, registrovana su četiri napada (jedan više) na policijske službenike Uprave policije MUP-a KS: dva pojedinačna i dva grupna napada. U napadima su učestvovala četiri punoljetna lica i jedno nepoznato lice. Napadači su u dva slučaja koristili fizičku snagu, a u dva slučaja oruđa i druge predmete.

Tokom mjeseca jula tekuće godine registrovano je pet slučajeva upotrebe sile (jedan više).

Četiri upotrebe sile su opravdane, dok je postupak pravdanja jedne upotrebe sile u toku.

Tokom mjeseca jula 2021. godine, razmatrana je 21. predstavka na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za osam predstavki (jedna više) provede unutrašnja istraga, za 12 predstavki je odlučeno da se izvrše provjere i prikupi dokumentacija, dok je u jednom slučaju sa predstavkom upoznat Odbor.

Od 21. razmatrane predstavke, 18 je podneseno od strane građana, dok tri predstavke predstavljaju saznanja iz službe.

Okončano je 14 unutrašnjih istraga, među kojima je sedam neosnovanih, u tri slučaja nije bilo dovoljno dokaza, u dva slučaja postupak je prekinut do okončanja krivičnog postupka ili krivične istrage, jedna istraga je osnovana, dok je u jednom slučaju stranka odustala od žalbe.

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Policijски službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti, mjere i radnje, a koje su vezane za pandemiju „Koronavirusa“. Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja (kućna izolacija).

Vršen je obilazak JU „Dom zdravlja Kantona Sarajevo“ u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

Vršen je obilazak vjerskih objekata i vjerskih službenika, a u vezi pandemije „Koronavirusa“ u cilju prevencije širenja zaraze, s akcentom na vjerski praznik „Kurban Bajram“.

U mjesecu julu ove godine uzevši u obzir trenutnu epidemiološku situaciju i povećan priliv turista u Kantonu Sarajevo, policajci u zajednici su kroz neposredni kontakt i komunikaciju sa građanima iste informisali o aktivnostima Uprave policije MUP-a Kantona Sarajevo u vezi projekta „Stop prosjačenju“ te im djelili flajere pod nazivom „Spriječimo prosjačenje“ sa brojevima telefona na koje mogu prijaviti ovaj kao i drugi oblik narušavanja javnog reda i mira.

Policajci u zajednici su održali internu obuku za 120 policijskih službenika Uprave policije MUP-a Kantona Sarajevo na temu „Postupanje u slučaju seksualnog i spolno zasnovanog uznemiravanja, kao oblik nasilja u organizacionim jedinicama Uprave policije MUP-a Kantona Sarajevo“. Cilj interne obuke je senzibilizacija policijskih službenika o neželjenom i neprihvatljivom ponašanju, te upoznavanju istih sa odrednicama Protokola o postupanju i slučaju seksualnog i spolno zasnovanog uznemiravanja, kao oblika nasilja u organima uprave, javnim preduzećima, javnim ustanovama i pravnim licima čiji je osnivač Kanton Sarajevo.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima trenutno boravi cca 2.090 migranata.

U mjesecu julu 2021. godine migranti su učestovali u 10 događaja sa obilježjem krivičnog djela i to:

- Krađa (čl. 286 KZ FBiH) – jedan,
- Teška krađa na naročito opasan ili naročito drzak način (čl. 287. st.1. tač.b) KZ FBiH) - četiri,
- Razbojništvo (čl. 289 KZ FBiH) – četiri,
- Prijevvara (čl. 294 KZ FBiH) – jedan događaj.

Tokom mjeseca jula 2021. godine, službenici policije proveli su dvije akcije, kontrolisali su 178 migranata, od čega 27 nije posjedovalo registracijski obrazac, sedam je upućeno službi za poslove sa strancima radi registracije i 67 migranata je smješteno u prihvatne centre na području Kantona Sarajevo.

**TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI**

<b>MJESEC JULI 2021. GODINE</b>	<b>KANTON SARAJEVO</b>
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	2.090
UKUPAN BROJ KONTROLISANIH MIGRANATA	178
BROJ MIGRANATA LIŠENIH SLOBODE	4
BROJ KRIVIČNIH DJELA POČINJENIH OD STRANE MIGRANATA	10
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	10
BROJ MIGRANATA KOJI SU VRAĆENI IZ SUSJEDNIH DRŽAVA	4
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	2
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	74